



Grad Sarajevo
City of Sarajevo


Broj: 01-08-Gp-22/24
Sarajevo, 13.03.2024. godine

GRAD SARAJEVO
GRADSKO VIJEĆE

Hamdije Kreševljakovića br. 3, 71000 Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Ministarstvo pravosuđa Federacije Bosne i Hercegovine
Kanton Sarajevo - Grad Sarajevo



PREDMET: Odgovor na vijećničko pitanje

Veza – Vaši akti br. 01-GV-04-334/24 i 01-GV-04-334-2/24 od 21.02.2024. g.

Poštovani,

Dana 12.03.2024. godine Pravobranilaštvu Grada Sarajevo su dostavljeni Vaši dopis broj gornji sa vijećničkim pitanjima gradskog vijećnika Srđana Srdića koja glase:

1. *„Da li je na adresu Pravobranilaštva Grada Sarajevo došao zahtjev za vansudsko poravnanje radi naknade štete, nakon odluke Suda Bosne i Hercegovine, po okončanom upravnom sporu u kojoj je utvrđeno da je proces izbora ponuđača za usluge eksterne revizije proveden suprotno zakonskom propisima?“*, i
2. *„Iz kojih budžetskih sredstava će Grad Sarajevo platiti štetu prouzrokovanu firmi Address d.o.o. u iznosu od okvirno 23.000,00 KM?“*

U pogledu navedenih vijećničkih pitanja gradskog vijećnika Srđana Srdića obavještavamo Vas o slijedećem.

1. Odgovor na pitanje br. 1:

Dana 08.02.2024. godine na adresu Pravobranilaštva Grada Sarajevo je dostavljen dopis Advokata Ines Osmanović sa prijedlogom za vansudsku rješavanje međusobnih odnosa proizašlih iz sudskih odluka, a koji se odnosi na postupak javne nabavke revizije finansijskih izvještaja Grada Sarajevo. Navedenim dopis se traži naknada štete u iznosu od 23.000,00 KM što je vrijednost predmetne nabavke.

Izjašnjavajući se na navedenu opomenu Pravobranilaštvo Grada Sarajevo je dana 13.02.2024. godine uputilo odgovor na prijedlogom za vansudsku rješavanje međusobnih odnosa. U svom odgovoru Pravobranilaštvo Grada Sarajevo ističe da je navedeni zahtjev neutemeljen.

DOKAZ: - Prijedlog za vansudsku rješavanje međusobnih odnosa proizašlih iz sudskih odluka advokata Ines Osmanović od dana 31.01.2024. g.

- Odgovor Pravobranilaštva Grada Sarajevo br. 01-08-Pr-4/24 od 13.02.2024. g. sa povratnicom od dana 14.02.2024. godine

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Naime, navedena Presuda suda Bosne i Hercegovine je donesena po tužbi društva Address d.o.o. Sarajevo izjavljenoj protiv Rješenja Ureda za razmatranje žalbi Bosne i Hercegovine koji je odbio žalbu društva Address d.o.o. Sarajevo izjavljenu protiv Odluke Grada Sarajevo o izboru najpovoljnijeg ponuđača. U navedenom sudskom postupku Ured za razmatranje žalbi BiH je imao status tuženog, dok je Grad Sarajevo je imao status zainteresiranog lica.

Nadalje, predmetnim zahtjevom punomoćnik društva Address d.o.o. Sarajevo zahtjeva cjelokupan iznos koji predstavlja vrijednost nabavke, a koji iznosi 23.000,00 KM, što je neutemeljeno i pogrešno.

Društvo Address d.o.o. bi eventualno imalo pravo na izgublenu dobit, a u konkretnom slučaju izgubljena dobit nije iznos predmetne nabavke, već razlika između prihoda koju bi društvo Address d.o.o. ostvarilo da je istom dodijeljen predmetni ugovor i troškova koje bi navedeno društvo imali u cilju realizacije ugovornih obaveza. Navedeno je definisano i odredbama člana 121. Zakona o javnim nabavkama koje propisuju da svaki od učesnika postupka javne nabavke koji je pretrpio štetu zbog povrede ovog zakona ima mogućnost pokrenuti postupak za ostvarivanje prava na naknadu štete zbog izmakle dobiti pred nadležnim sudom, prema općim propisima o naknadi štete.

Dakle, u konkretnom slučaju ne postoji obaveza plaćanja bilo kakve naknade za izgublenu dobit dok se eventualno sudskim putem drugačije ne riješi, a naročito ne u iznosu koji društvo Address d.o.o. Sarajevo potražuje predmetnim zahtjevom. Stoga je iznos naknade štete u vidu izgubljene zarade je neophodno u sudskom parničnom postupku.

Obzirom na sve navedeno, u ovom trenutku Grad Sarajevo nema bilo kakvu obavezu prema društvu Address d.o.o. Sarajevo.

2. Odgovor na pitanje br. 2:

U slučaju da društvo Address d.o.o. Sarajevo eventualno u sudskom parničnom postupku, a kako je navedeno u dijelu odgovora na prethodno pitanje, dokaze štetu u vidu izgubljene zarade i precizan iznos iste, to bi ista bila izmirena sa budžetske stavke predviđene za tu namjenu - Drugi tekući rashodi – 614 800 - Izvršenje sudskih Presuda i Rješenja o izvršenju.

PRAVOBRANILAC GRADA SARAJEVO

DOSTAVITI:





- Naslovu,
- U spis.



Admir Jusufbegović



INES OSMANOVIĆ
ADVOKAT

Advokat Osmanović Ines 
ines.osmanovic@gmail.com 
Mob: +387 61 13 13 99 
Mejtaš 2, 71000 Sarajevo 

GRAD SARAJEVO

Hamdije Kreševljakovića 3

71000 Sarajevo

Putem protokola na pisarnici na adresi:

Ćemaluša broj 9

Sarajevo, 31.01.2024. godine

PREDMET: Prijedlog za vandsudsko rješavanja međusobnih odnosa proizašlih iz sudskih odluka, dostavlja se

Poštovani,

Obraćam vam se kao punomoćnik pravnog lica „ADDRESS“ d.o.o. Sarajevo koje me je ovlastilo da ih zastupam u postupku zaštite prava i naknade štete koja je proizašla iz okončanog postupka javne nabavke revizije finansijskih izvještaja Grada Sarajevo, odnosno zbog čega je vođen upravi spor pred Sudom Bosne i Hercegovina i povodom čega je donesena pravosnažna i konačna odluka.

I Nije sporna činjenica da je Ugovorni organ Grad Sarajevo u Otvorenom postupku javne nabavke „Usluge eksterne revizije za 2017, 2018 i 2019. godinu u Gradu Sarajevo“ objavljenom putem Obavještenja o nabavci broj 1278-1-2-18-3-67/22 od 25.02.2022. godine donio Odluku o izboru najpovoljnijeg ponuđača broj: 01/04-11-1246-4/22 od 23.06.2022. godine koja je temeljena na pogrešnom tumačenju pavnih propisa.

Iz navedenog razloga, nazadvoljna strana, moj vlastodavac kao ponuđač koji je pretrpio štetu, je izjavio žalbu koja je odbijena kao neosnovana, nakon čega je izjavljena i tužba u upravnom sporu pred Sudom Bosne i Hercegovine.

II Presudom Suda Bosne i Hercegovine, broj S1 3 U 043741 22 U od 13.12.2023. godine usvojena je tužba tužitelja „ADDRESS“ d.o.o. Sarajevo protiv Rješenja Ureda za razmatranje žalbi, broj: JN2-03-07-1-1870-9/22 od 28.07.2022. godine.

Ured za razmatranje žalbi
Grad Sarajevo - GRAD SARAJEVO
PRAVNI SLUŽBENIK

08.02.2024.



INES OSMANOVIĆ
ADVOKAT

Advokat Osmanović Ines ☎
ines.osmanovic@gmail.com ✉
Mob: +387 61 13 13 99 📞
Mejtaš 2, 71000 Sarajevo 📍

Predmet je vraćen tuženom Uredu za razmatranje žalbi Bosne i Hercegovine na dalje postupanje.

III Nakon dostavljene odluke Suda Bosne i Hercegovine, Ured za razmatranje žalbi je pod brojem **JN2-03-07-1-1870-13/22 od 12.01.2024. godine donio Rješenje kojim se usvaja žalba ponuđača „ADDRESS“ d.o.o. Sarajevo** koja je ranije izjavljena na Odluku o izboru najpovoljnijeg ponuđača broj 01/04-11-1246-4/22 od 23.06.2022. godine Ugovornog organa Grad Sarajevo u otvorenom postupku javne nabavke „Usluga eksterne revizije za 2017, 2018 i 2019. godinu u Gradu Sarajevu“.

Iz obrazloženja predmetnog Rješenja jasno se navodi da je ovaj organ, postupajući po presudi Suda Bosne i Hercegovine u ponovljenom odlučivanju, utvrdio osnovanost žalbe ponuđača kao žalitelja „ADDRESS“ d.o.o. Sarajevo, odnosno da je primjenjujući kriterije za dodjelu ugovora utvrđene u tenderskoj dokumentaciji trebao u to vrijeme odbiti ponuđače N.Consulting d.o.o. i Džaferović d.o.o. iz razloga što su ponudili cijene koje su ispod minimalne cijene koja je propisana Tarifom revizorskih usluga (Službene novine FBiH 52/15).

Međutim, ovdje je naime nesporno, a kako to proizilazi i iz Odluke/Rješenja Ureda za reviziju od 12.01.2024. godine, da je već zaključen Ugovor o pružanju usluga eksterne revizije između ugovornog organa i izabranog ponuđača N.Consulting d.o.o. Sarajevo, i to dana 23.08.2023. godine (u Rješenju učinjena greška tako da stoji 27.04.2017. godine), te da shodno tome nije moguće u ovom trenutku poništiti postupak javne nabavke po službenoj dužnosti jer je postupak javne nabavke već okončan.

IV Međutim, naprijed navedeno opisano detaljno u obrazloženju Rješenja 12.01.2024. godine, nije razlog da „ADDRESS“ d.o.o. kao stvarno najpovoljnijem ponuđaču, koji je upravo trebao izvršiti ovaj posao i zaključiti ugovor o pružanju usluga eksterne revizije, ne bude nadoknađena šteta koja ja direktno prouzrokovana nezakonito donesenim odlukama sve u skladu sa odredbama člana 154 i 155 Zakona o obligacionim odnosima u vezi sa čkanom 185 istoga Zakona.

Iznos štete se određuje naspram vrijednosti posla koji je trebao biti ugovoren i izvršen, odnosno 23.000,00 KM (dvadesettrihiljade 0/00 KM).

Molimo vas da se očitujete po dostavljenom Prijedlogu kako bismo postigli međusobni dogovor u cilju spriječavanja nastanka veće štete u vidu pokretanja daljih postupaka iz kojih će proizaći novi troškovi, kamate i slično.

Ines Osmanović

Prilog:

- Punomoć za zastupanje



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Broj: **01-08-Pr-4/24**
Sarajevo, 13.02.2024. godine

ADVOKAT
INES OSMANOVIĆ
Mejtaš br. 2, 71000 Sarajevo

PREDMET: Odgovor na Prijedlog za vansudsko rješavanje međusobnih odnosa
Veza – Vaš akt od dana 31.01.2024. godine

Poštovana,

Na adresu Pravobranilaštva Grada Sarajevo dana 08.02.2024. godine dostavljen je Vaš akt od dana 31.01.2024. godine - Prijedlog za vansudsko rješavanje međusobnih odnosa proizašlih iz sudskih odluka.

U nastavku ovog dopisa, u pogledu Vaših zahtjeva iz navedenog akta Vas obavještavamo o slijedećem.

Nesporno je da je Sud Bosne i Hercegovine dana 13.12.2023. godine donio Presudu br. S1 3 U 043741 22 I kojom je usvojena tužba, a potom je Ured za razmatranje žalbi donio Rješenje kojim je usvojena žalba Vašeg klijenta, kao što je i tačno da je postupak javne nabavke okončan na način da je između Grada Sarajevo i društva N.Consulting d.o.o. Sarajevo kao najpovoljnijeg ponuđača već zaključen Ugovor.

U pogledu Vašeg zahtjeva za naknadu štete u iznosu od 23.000,00 KM što predstavlja cjelokupnu vrijednost posla koji je ugovoren i izvršen, ističemo da je isti u cijelosti neutemeljen.

Pitanje naknade izgubljene dobiti u ovom slučaju može biti samo predmetom parničnog postupka pred nadležnim sudom. Odredbama člana 121. Zakona o javnim nabavkama je propisano da svaki od učesnika postupka javne nabavke koji je pretrpio štetu zbog povrede ovog zakona ima mogućnost pokrenuti postupak za ostvarivanje prava na naknadu štete zbog izmakle dobiti pred nadležnim sudom, prema općim propisima o naknadi štete.

Dakle, u konkretnom slučaju ne postoji obaveza plaćanja bilo kakve naknade za izgubljenu dobit dok se eventualno sudskim putem drugačije ne riješi, a naročito ne u iznosu u kojem potražujete predmetnim zahtjevom. Naime Vašim zahtjevom potražuje se iznos koji bi bio isplaćen da ste u cijelosti obavili uslugu koja je bila predmet javne nabavke, dok naknada štete u vidu izgubljene dobiti predstavlja drugačiji vid štete, a sve u smislu odredbi člana 189. stav (3) Zakona o obligacionim odnosima.

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Obzirom na sve navedeno, nesporno je da su navodi iz Vašeg dopisa od dana 31.01.2024. godine neutemeljeni, stoga Vas obavještavamo da Grad Sarajevo ne može postupiti po Vašem zahtjevu.

S poštovanjem,

DOSTAVITI:

Naslovu,

U spis.

PRAVOBRANILAC GRADA SARAJEVO

Admir Jusufbegović

CN 07

AVIS de réception/de livraison/de paiement/d'inscription
OBAVIJEŠT O prijemu/turučenju/isplati/upisu



Administracija za poštanske usluge
Bijeljina pošta

Bureau / Ured / Pošta: 71104
Destinataire de l'envoi / Primaocu / Primaocu: ADVOKAT INES OSMANOVIC
UL. MEJSTAS BR. 2, SARAJEVO

Nature de l'envoi / Vrsta pošiljke
 Recoursaire / Povratna
 Recommandé / Preporučeno
 Recommandé avec avis de réception / Preporučeno sa potvrdom o prijemu
N° de l'avis de réception / Broj potvrde o prijemu: RU 26926 2032
Date / Datum: 21. 07. 1994

A compléter à destination / Ispunjava se na određitu
L'envoi mentionné ci-dessus a été remis
Cet avis pourra être signé par le destinataire ou, si les règlements du pays de destination le permettent, par une autre personne autorisée ou par l'agent de bureau de destination.
Ceci doit être rempli même lorsque l'avis est remis au bureau de destination.
Date et signature / Datum i potpis: 21. 07. 1994

Prioritaire / Par avion
Prioritetno / Avionom

Remvoyer à
Vratiti

Nom de l'agent social
Ime i prezime lica: GRAD SARAJEVO
PRANDRANILUŠNA
Rue / Ulica / ul: HANDIJE KRESEVIYAKOVICA BR. 3
Municipalité / Općina / opština: 71000 SARAJEVO

Državna za narodnu poštu



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/09-04-2413-1/24
Sarajevo, 13.03.2024. godine

GRADSKO VIJEĆE GRADA SARAJEVA
N/R Jasmin Ademović, predsjedavajući Gradskog vijeća

PREDMET: Odgovor na vijećničku inicijativu gradskog vijećnika Almedin Miladina
Veza akt broj: 01-GV-04-334-12/24 od 21.02.2024. godine

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Almedin Miladin uputio je inicijativu sljedećeg sadržaja:

„Ova inicijativa se odnosi na potrebu zaštite od propadanja zgrade Konak koja se ne koristi. Potrebno je informirati Gradsko vijeće o eventualnim mogućnostima korištenja, odnosno stavljanja u funkciju ove zgrade“.

Odgovor:

Graditeljska cjelina Konak u Sarajevu zajedno sa pokretnim naslijeđem je nacionalni spomenik Bosne i Hercegovine („Službeni glasnik BiH“, broj 19/08). U Zemljišno-knjižnom izvatku, broj 1511 K.O. Sarajevo IX, uknjiženo je pravo vlasništva u korist Bosne i Hercegovine. Članom II. Odluke o proglašenju graditeljske cjeline Konak nacionalnim spomenikom BiH, Vlada Federacije BiH je dužna da osigura pravne, naučne, tehničke, administrativne i finansijske mjere za zaštitu, konzervaciju i prezentaciju nacionalnog spomenika. U obrazloženju predmetne Odluke navedena je namjera Predsjedništva Bosne i Hercegovine da u cilju državne reprezentacije, kao i adekvatnog smještaja stranih gostiju i visokih zvaničnika, izvrši sve potrebne radove adaptacije i opremanja prostora Konaka.

Pomoćnica gradonačelnice
za urbano planiranje, investicije,
stambene i komunalne poslove

GRADONAČELNICA

Prof. dr. Benjamina Karić, s.r.

Merima Arifhodžić, s.r.

Dostaviti:
- Naslovu
- Evidencija

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/14-04-2411-1/24
Sarajevo, 21.03.2024. godine

GRADSKO VIJEĆE GRADA SARAJEVA
N/R Jasmin Ademović, predsjedavajući Gradskog vijeća

PREDMET: Odgovor na inicijativu gradskog vijećnika Željka Majstorovića sa 36. sjednice Gradskog vijeća Grada Sarajeva

Veza akt broj: 01-GV-04-334-10/24 od 21.02.2024. godine

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Željko Majstorovića uputio je pitanje vezano za tok realizacije obnove Astronomskog opservatorija na Čolinoj kapi, Trebević.

Odgovor:

Gradsko vijeće Grada Sarajeva je, na 6. sjednici održanoj 29.09.2021. godine, donijelo Odluku o pristupanju projektu obnove i restauracije Astronomskog opservatorija Trebević („Službene novine Kantona Sarajevo“, broj 41/21).

S tim u vezi, pokrenute su aktivnosti na ovom projektu, prije svega u smislu rješavanja imovinsko-pravnih odnosa, kako bi se stekli uslovi i za samu realizaciju obnove ovog kompleksa, ali i aktivnosti na definiranju najoptimalnijeg modela obnove i upravljanja budućom opservatorijom.

Upravo je Elaborat društveno-ekonomske opravdanosti obnove kompleksa Astronomske opservatorije Trebević dao odgovore u kojem smjeru treba teći obnova i koje je sadržaje potrebno imati da bi imali društveno-ekonomsku opravdanost ulaganja u obnovu Astronomske opservatorije Trebević.

Ciljevi predmetnog elaborata bili su:

- Da se utvrdi postojanje stvarne društvene potrebe za jednim ovakvim kompleksom,
- Da se predloži najprihvatljiviji pravni modalitet korištenja navedene imovine,
- Da se analiziraju relevantna moguća ograničenja u redovnom funkcioniranju opservatorije,
- Da se sagledaju tržišni potencijali i kapaciteti opservatorije,
- Da se prezentiraju aktivnosti koje bi se mogle realizirati u radu opservatorija,
- Da se izvrši procjena budućih prihoda i troškova funkcioniranja opservatorija,
- Da se utvrdi kratkoročna i dugoročna društveno-ekonomska opravdanost rada opservatorija,
- Da se izvrši procjena povrata na ukupnu imovinu opservatorija.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Elaboratom je dokazana velika društvena opravdanost cijelog projekta sa stanovništa razvoja nauke, obrazovanja i turizma kako za Grad i regiju, tako i za čitavu Bosnu i Hercegovinu. Projekat ove vrste, prije svega, predstavlja uzdizanje BiH na naučnoj ljestvici u Evropi i nudi proširene mogućnosti saradnje na projektima koje u oblasti naučno-istraživačkog rada finansira EU.

Ekonomsko-finansijska analiza pokazala je finansijsku opravdanost II i III varijante obnove u četvrtoj godini eksploatacije na osnovu analize inputa koji su prikazani u Elaboratu.

Po usvajanju navedenog Elaborata pribavljen je idejni projekat budućeg objekta Zvezdarnice koji kombinuje savremeni dizajn i funkcionalnost sa prirodnim ambijentom zaštićenog područja Trebevića i same lokacije objekta.

U prethodnom periodu vođene su intenzivne aktivnosti na rješavanju imovinsko-pravnih odnosa za objekat Zvezdarnice sa Zavodom za izgradnju KS i Vladom KS te očekujemo skoro pozitivno rješavanje ovog pitanja. Prethodno je ishodovana saglasnost za korištenje platoa i pristupnog puta od Sarajevo šuma, a podnesen je i zahtjev Općini Stari Grad Sarajevo za rješavanje imovinskih prava za objekat Bistrik kule (austrougarska tvrđava) koja je jedan od dva objekata koji čine astronomski kompleks. Također, Grad je predao zahtjev za urbanističku saglasnost Općini Stari Grad Sarajevo za objekat Zvezdarnice te očekujemo skoro rješavanje ovog pitanja.

Grad Sarajevo je odlučan da ovaj projekat uspješno realizira na dobrobit građana Sarajeva, razvoja nauke i turizma. U 2024. godini planira se započeti s konkretnim aktivnostima, rekonstrukcijom i izgradnjom objekata, nabavkom potrebne opreme i stavljanem u funkciju predmetnog projekata.

Pomoćnica gradonačelnice
za urbano planiranje, investicije,
stambene i komunalne poslove

Merima Arifhodžić, s.r.

GRADONAČELNICA

Prof. dr. Benjamina Karić, s.r.

Dostaviti:

- Naslovu
- Evidencija



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/09-04-2407-1/24
Sarajevo, 13.03.2024. godine

GRADSKO VIJEĆE GRADA SARAJEVA
N/R Jasmin Ademović, predsjedavajući Gradskog vijeća

PREDMET: Odgovor na vijećničko pitanje gradskog vijećnika Srđana Srdića
Veza akt broj: 01-GV-04-334-7/24 od 21.02.2024. godine

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Srđan Srdić uputio je vijećničko pitanje sljedećeg sadržaja:

„Tko je i na osnovu kojeg propisa dao dozvolu da se Bistrička stanica ustakli? Napominjem da je Bistrička stanica nacionalni spomenik“.

Odgovor:

Grad Sarajevo nije dao saglasnost, niti dozvolu da se Bistrička stanica, odnosno ljetna bašta prema Putu mladih Muslimana ustakli. Grad Sarajevo je uputio dopis, broj: 09-19-817/24 od 05.02.2024. godine, zakupcu Bistričke stanice firmi „Herbal group“ d.o.o. Sarajevo da je objekat historijska građevina-zgrada željezničke stanice Bistrik nacionalni spomenik Bosne i Hercegovine („Službeni glasnik BiH“, broj 18/07) te da nisu dozvoljene nikakve intervencije na objektu.

Pomoćnica gradonačelnice
za urbano planiranje, investicije,
stambene i komunalne poslove

GRADONAČELNICA

Prof. dr. Benjamina Karić, s.r.

Merima Arifhodžić, s.r.

Dostaviti:
- Naslovu
- Evidencija

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba





Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration



Broj: 03-04-04-7345-1/24
Sarajevo, 12.03.2024. godine

GRAD SARAJEVO
GRADSKO VIJEĆE

gosp. Jasmin Ademović, predsjedavajući Gradskog vijeća Grada Sarajeva
Hamdije Kreševljakovića 3, Sarajevo

PREDMET: Odgovor na vijećničko pitanje, dostavlja se

VEZA: Vaš akt, broj: 01-GV-04-334-16/24 od 21.02.2024. godine

U aktu, broj i datum veze, navedeno je da je na 36. sjednici Gradskog vijeća Grada Sarajeva, održanoj 21.02.2024. godine gradski vijećnik Jasmin Ademović uputio vijećničko pitanje sljedećeg sadržaja „Šta se dešava sa direktnim izborom gradonačelnika Grada Sarajeva i izmjenom Ustava Kantona Sarajevo i Federacije Bosne i Hercegovine, a koje je bilo jedno od predizbornih obećanja trojke?“

S tim u vezi, Ministarstvo pravde i uprave, kao resorno ministarstvo nadležno za pripremu amandmana na Ustav Kantona Sarajevo, ukazuje da u skladu sa članom V. 1. 4 Ustava Federacije Bosne i Hercegovine, ustavi kantona moraju biti usklađeni sa Ustavom Federacije Bosne i Hercegovine, te da je preduslov da Vlada Kantona Sarajevo predloži Amandmane na Ustav Kantona Sarajevo, na način kako je navedeno u predmetnom pitanju, prethodna izmjena Ustava Federacije Bosne i Hercegovine, u dijelu koji propisuje način biranja gradonačelnika.

S obzirom da Ustav Federacije Bosne i Hercegovine nije izmijenjen u dijelu koji propisuje način biranja gradonačelnika ovo ministarstvo iz objektivnih razloga nije pristupilo pripremi amandmana na Ustav Kantona Sarajevo.

S poštovanjem,

Dostaviti:

1. Naslovu;
2. a/a.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/15-04-1784-1/24
Sarajevo, 21.03.2024. godine

GRADSKO VIJEĆE GRADA SARAJEVA
N/r Jasmin Ademović, predsjedavajući Gradskog vijeća

PREDMET: Odgovor na vijećničko pitanje
Veza akt broj: 01-GV-02-132-3/24 od 24.01.2024. godine

Na 35. sjednici Gradskog vijeća Grada Sarajeva, održanoj 24.01.2024. godine, gradski vijećnik Adi Škaljić uputio je vijećničko pitanje sljedećeg sadržaja:

„Prošle godine, dopunjen je Kalendar obilježavanja važnih datuma, odnosno datuma od značaja za Grad Sarajevo obilježavanjem Dana nulte stope tolerancije za diskriminaciju koji se treba obilježiti 02. marta. Moje pitanje je u kojoj fazi su pripreme za obilježavanje ovog datuma od značaja za Grad Sarajevo?“

Odgovor:

U Kalendar događaja od značaja za Grad Sarajevo od 2023. godine uvršten je 1. mart – Dan nulte diskriminacije, koji se u glavnom gradu Bosne i Hercegovine, zbog državnog praznika, obilježava 2. marta.

Na Dan nulte diskriminacije slavi se pravo svakoga da živi punim produktivnim životom i dostojanstveno. Ovaj dan naglašava kako ljudi i zajednice trebaju promovirati inkluziju, suosjećanje i mir, te doprinosi stvaranju globalnog pokreta solidarnosti za okončanje svih oblika diskriminacije bez obzira odnose li se na spol, nacionalnost, dob, invaliditet, etničku pripadnost, seksualnu orijentaciju ili religiju.

U vezi s naprijed navedenim, na fasadi objekta iznad Vječne vatre, u organizaciji Grada Sarajeva projiciran je logotip Dana nulte diskriminacije 2. marta 2024. godine, u terminu od 19:00 do 21:30 sati.

Stručna služba za protokolarne poslove,
odnose s javnošću i međunarodnu
saradnju

Rukovodilac Stručne službe
Zinaida Čengić, s.r.

GRADONAČELNICA

Prof. dr. Benjamina Karić, s.r.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIJELAZNICI			
26 MAR 2024			
Org. jed.	Grad	Pril.	Vrijednost
01-GV-04-334-16.			0/24

Broj: 09-45-1058/24
Sarajevo 18.03.2024.godine

KANTON SARAJEVO
GRADSKO VIJEĆE
n/r Predsjedavajući Gradskog vijeća gosp. Jasmina Ademovića

SARAJEVO

PREDMET: **Odgovor na vijećničko pitanje , dostavlja se,-**

VEZA: **Vaš akt broj:01-GV-04-334-16/24 od 21.02.2024 godine.**

Federalnom ministarstvu pravde je aktom broj: 01-GV-04-334-16/24 od 21.02.2024 godine., dostavljeno vijećničko pitanje Jasmina Ademovića vijećnika u Gradskom vijeću Grada Sarajeva, sljedeće sadržine:

Šta se dešava sa direktnim izborom gradonačelnika Grada Sarajeva i izmjenom Ustava Kantona Sarajevo i Federacije Bosne i Hercegovine, a koje je bilo jedno od predizbornih obećanja trojke, U vezi svega navedenog Federalno ministarstvo pravde daje sljedeći:

O D G O V O R

Povodom Vašeg akta, broj i datum veze, koji ste nam dostavili radi odgovora na vijećničko pitanje, koje je na 36 sjednici Gradskog vijeća održanoj 21.02.2024 . godine. postavio vijećnik Jasmin Ademović, a u vezi direktnog izbora gradonačelnika Grada Sarajeva kao i izmjenom Ustava Kantona Sarajevo i Ustava FBiH, informišemo Vas da je organizacija Gradske vlasti pa tako i Organizacija Sarajeva regulirana amandmanima na Ustav Federacije Bosne i Hercegovine, preciznije Amandmanom XVI na Ustav Federacije Bosne i Hercegovine gdje je dodano novo poglavlje VI. A: koje se odnosi na "Gradske vlasti" . Prema istom Amandmanu stavkom (1). utvrđeno je da se za područje dvije ili više općina koje su urbano i teritorijalno povezane svakodnevnim potrebama građana formira grad kao jedinica lokalne uprave i samouprave, sukladno sa federalnim zakonom. Stavkom (5) pomenutog Amandmana propisane su nadležnosti Gradskog vijeća gdje je utvrđeno da Gradsko vijeće priprema i dvotrećinskom većinom usvaja statut grada, bira gradonačelnika I donosi budžet grada.

Pored gore navedenog bitno je napomenuti da je Amandmanom XXVI na Ustav Federacije Bosne i Hercegovine dodano novo Poglavlje VI. B. "Organizacija Sarajeva" gdje je propisano da se u Kantonu Sarajevo osniva Grad Sarajevo kao jedinica lokalne

samouprave. Ustavom Kantona Sarajevo bit će uređeno koje općine ulaze u sastav Grada Sarajeva. Sastav i način odlučivanja Grada Sarajeva odražava multietničnost i posebnost Grada Sarajeva kao glavnog grada Federacije BiH, dok se nadležnost, organizaciona struktura i način odlučivanja Grada Sarajeva utvrđuje Ustavom Kantona i kantonalnim zakonom i statutom, sukladno sa ovim Ustavom. Grad Sarajevo sastoji se od četiri općine u kojima se na lokalnim izborima u općinska vijeća biraju vijećnici na cijeloj teritoriji općine na način propisan zakonom, dok ostali gradovi u FBiH u svom sastavu imaju samo općinu koja je donošenjem zakona o tom gradu samo promjenila status iz općine u grad.

Imajući u vidu sve navedeno, cijenimo da nema potrebe za izmjenom načina izbora Gradonačelnika Grada Sarajeva iz razloga što Gradonačelnika bira Gradsko vijeće u čijem sastavu se nalaze vijećnici iz svih općina koje su u sastavu Grada Sarajeva, a koji su izabrani na lokalnim izborima od strane građana u tim općinama.

S poštovanjem,

Dostaviti:
1. Naslovu
2. U registar
3. Arhivi

MINISTAR

Vedran Škobić

